

Ana Mwane n Tania te I-Kiribati ea roko n \$1.67 te birion!

[Bairiki, 07/08/2025] – E kukurei n taekinna ana Kauoman n Beretitenti Kiribati are bon te Minita naba n te Mwane bwa n banen te namwakaina ae Tuun 2025, ao ea roko ana Mwane n Tania te I-Kiribati n te mwaiti ae \$1.67 te birion. Man te raka aio ao e kaotia bwa e korakora birirakena man te tai are moan tei iai n 1956. N moan ana tararua te Tautaeaka ae Tobwaan Kiribati Party n 2016, ao te mwane n Tania bon \$744 te mirion, e a tia n keerake ngkai nakon te mwaiti ae 123 te katebubua, ke e riaon \$900 te mirion.

Aio bon teuana ana tokanikai te Tautaeaka n te Mwane n Tania, bwa e ngae ngke a mwaiti kanganga ake a roota biribirin te mwane n te aonnaba n aron te bobuaka imarenan nako aban tinaniku ao keeraken boon bwaai, ma e bon teimatoa n aki rootaki biribirin ara Mwane n Tania.

E reitia naba n taekinna Dr Toatu, bwa te Tautaeaka aio e teimatoa ao e botumwaaka n babairea raoi te Mwane n Tania ao n mwakuriia ana taakete ake e a tia n katei ao n katurua inanon ana Motinnano bwa n 2027 ao ena roko n te mwaiti ae \$2 te birion.

N te ririki 2016 ni karokoa banen Tuun 2025, ao mwaitin te buumwane man te Mwane n Tania e bon tiku naba n 7 te katebubua ke \$120 te mirion.

Kam rabwa ao ibukin rongorongoriki n kamaatatata iaon aio, kam kona n reitaki ma te Finance n mwananga are National Economic Planning Office ke n reitaki n tareboon ae 74021806 (ext 212 ke 213) ke bon meerin nakon secretary@mfp.gov.ki